

פרק עב

א לשלמה | אלקים משפטיך למלך תן וצדקתך לבן-מלך:
ב ידיו עמך בצדק וענייך במשפט: ג ישאו הרים שלום
לעם וגבעות בצדקה: ד ישפט | עניי-עם ושיע לבני אביו
וידכא עושק: ה ייראוך עם-שמש ולפני ירח דור דורים:
ו ירד כמטר על-גז כרביבים ורזיף ארץ: ז יפרח-בימיו
צדיק ורב שלום עד-בלי ירח: ח וירד מים עד-ים ומנהר
עד-אפסי-ארץ: ט לפניו יכרעו ציים ואיביו עפר ילחכו:
י מלכי תרשיש ואיים מנחה ישיבו מלכי שבא וסבא
אשכר יקריבו: יא וישתחוו-לו כל-מלכים כל-גוים
יעבדוהו: יב כי-יציל אביו משוע ועני ואין-עזר לו: יג יחס
על-דל ואביו ונפשות אביונים ושיע: יד מתוך ומחמס
יגאל נפשם וייקר דמם בעיניו: טו ויחי ויתן-לו מזהב
שבא ויתפלל בעדו תמיד כל-היום יברכנהו: טז יהי
פסת-בר | בארץ בראש הרים ירעש כלבנון פרו ויציו
מעיר כעשב הארץ: יז יהי שמו לעולם לפני שמש ינו
[ינון] שמו ויתברכו בו כל-גוים יאשרוהו: יח ברוך | ד'
אלקים אלקי ישראל עשה נפלאות לבדו: יט וברוך | שם
כבודו לעולם ומלא כבודו את-כל-הארץ אמן | ואמן:
כ פלו תפלות דוד בן-ישי: